



Chon Apach – Penuwen Ekoch Kapas Eis

Oregon Health Plan (OHP, An Oregon Ototen Tumwunun Manaw) Faniter Young Adults with Special Health Care Needs (YSHCN, Serafo mi Nipwakingaw me Onongonong won Tumwun)

Ei taropwe a forita an epwe penuweni ekoch kapas eis mi wor faniten an Oregon ewe prokramen Otot faniter Serafo mi Nipwakingaw me Onongonong won Tumwun.

Chepenin Masowan

Chon Apach – Penuwen Ekoch Kapas Eis	1
1. Met ei prokramen Serafo mi Nipwakingaw me Onongonong won Tumwun)?....	2
2. Inet ei minafon prokram epwe poputa?.....	3
3. Met ewe prokramen Serafo mi Nipwakingaw me Onongonong won Tumwun a caferini ?.....	3
4. Ifa usun ai upwe amasow ngeni YSHCN?.....	3
5. Ifa usun ai upwe sinei ika ngang mi tufich ne aia aninisin YSHCN?.....	4
6. Non meni ier emon a tongeni aia aninisin YSHCN?	4
7. Mi wor ai aninisin YSHCN?.....	4
8. Met porousei upwe awora pwe upwe tongeni apach non YSHCN?	5
9. Ekewe chon apach non YSHCN mi pesepes ar repwe amasow ngeni och CCO?	5
10. Mi pesepes ai upwe asofo sefani nei aninisin YSCHN?	5
11. Pwata ewe caferin YSHCN epwe mwuch?	6

- 12. Met YSHCN mi tongeni caferini tumwunun non fansoun nakatam?..... 6
- 13. Ngang mi tongeni nounou YSHCN ika mi fen wor ai caferin Healthier Oregon? 6
- 14. Ia upwe tongeni kuna ia penuwen ekoch ai kapas eis?..... 6

1. Met ei prokramen Serafo mi Nipwakingaw me Onongonong won Tumwun?

- Ewe Serafo mi Nipwakingaw me Onongonong won Tumwun prokram nge ew minafon prokram a atoura Oregon Health Plan (OHP, An Oregon Ototen Tumwunun Manaw) ngenir aramas ier 19 tori 25 ika mi wor ar semwen Ei semwen epwe poputa me mwen ar tori ierin 19. Repwe nomw won ika fan ewe 205% ren keukun Federal Poverty Level (FPL, Federal Keukun Osupwang) ar repwe tufich aia ei aninis. En mi tongeni aia ei prokram chok ika an epwe kapach ngeni omw caferin OHP.

Keukun Famini	205% FPL non 2024
1	\$2,573 iteiten maram
2	\$3,492
3	\$4,411
4	\$5,330

- Ei minafon aninisin YSHCN a tongeni anisuk omw kopwe tikeri ewe aninisin tumwun a ouchea ngonuk me mwen omw kopwe poputa ne aia ekewe aninisin OHP. Ei prokram mi pwan tekia an keukun moni tonong seni ekoch OHP prokram ren katonongen chon apach. Non ei wewe chomong serafo mi wor ar semwen ra tongeni angei ewe caferin OHP.

2. Inet ei minafon prokram epwe poputa?

- Ei prokram epwe poputa non Sanuari 1, 2025. Ekewe chok aramas ier 19 tori 20 ra tongeni apach non 2025.

3. Met ewe prokramen Serafo mi Nipwakingaw me Onongonong won Tumwun a caferini?

- Young Adults with Special Health Care Needs (YSHCN, Serafo mi Nipwakingaw me Onongonong won Tumwun) mi caferini ewe Oregon Health Plan (OHP, An Oregon Ototen Tumwunun Manaw) Mi pwan caferini ekochmetoch me nukun ekewe prokramen OHP faniten aramas. Awewe, mi kapach tumwunun kunaen mas me ngii, me [all meinisin ouchean aninisin sefei me tumwun](#). Aramas ra pwan tongeni aia ewe pekin [Aninisin Aramas ren Pekin Tumwunun Manaw](#). Aramas mi elichipon ren ewe aninisin Young Adults with Special Health Care Needs (YSHCN, Serafo mi Nipwakingaw me Onongonong won Tumwun) repwe amasow sefan iteiten 2 ier.

4. Ifa usun ai upwe amasow ngeni YSHCN?

- Ika a fen wor noumw Oregon Health Plan (OHP, An Oregon Ototen Tumwunun Manaw) me mwen ewe prokram epwe poputa non Sanuari 2025, nge en mi ier 19 ika 20, me noumw kapachenapen moni tonong mi nomw fan ewe 205% Federal Poverty Level (FPL), iwe am upwe tin ngonuk och taropwe mi kapas eis ren met omw osupwangen tumwunun manaw. Ika ke awesano me aniwini ei taropwe, iwe am upwe katon ika en mi elichipon me tin ngonuk pwan eche taropwe epwe afata ika en mi elichipon. Am mi pwan tongeni nounou porousomw ren omw osupwangen tumwunun manaw ren am upwe katon ika en mi tufich apach.
- Am mi pwan tongeni nounou met porousomw a fen wor remw ren katonen ika en mi tufich kopwe apach. Ika a fat ngeni kich pwe en mi tufichin amasow, iwe am upwe tin ngonuk ew esinesin me pusin apachanong itomw omw kopwe pach non ei prokram. Kose mochen asofo sefani omw atres ika a siwin pwe epwe tour ngonuk ei mail seni kich.

- En mi tongeni katon ika en mi elichipon ren aninisin YSHCN inet chok ka mochen ina kopwe chok amasowa ena OHP aplikason.

5. Ifa usun ai upwe sinei ika ngang mi tufich ne aia aninisin YSHCN?

- Ese pwan ouchea omw kopwe akomw apach non Oregon Health Plan ren omw kopwe tufich amasow. Nge kopwe opnuweta akomw ekei pesepes:
- Ierumw: Poputa non Sanuari 1, 2025, ewe YSHCN prokram epwe faniter aramas ier 19 me 20.
- Moni Tonong: Noumw kapachenapen moni tonong non imomw esapw nuseni ewe 205% keukun federal poverty level (tiwenon ika en mi fen pwan aia aninis seni pwan och OHP prokram ren ew keukun moni tonong mi tekia seni).
- Semwenin Inis: Mi wor omw semwenin inis mi kan fis ngonuk non fansoun nakatam, ika och terin inis ren pekin nonomwun aramas, ika terin inis mi diaknos meren doktor mi fis ngonuk me mwen omw tori ier 19.

6. Non meni ier emon a tongeni aia aninisin YSHCN?

- Aninisin Young Adults with Special Health Care Needs (YSHCN, Serafo mi Nipwakingaw me Onongonong won Tumwun) a poputa non ar ier 19. Am upwe tingorek omw kopwe penuwani ekei kapas eis me non noumw ewe OHP aplikason nupwen omw tori ier 17. Non ei wewe, ika en mi tufichin apach, epwe automatik omw kopwe katonong nupwen omw tori ier 19. Kose mochen asofo sefani omw atres ika a siwin pwe epwe tour ngonuk ei mail seni kich.

7. Mi wor ai aninisin YSHCN?

- En mi tongeni katon ne tonong non omw ena ONE Online account iwe ka nengeni omw porousen aninis won ena dashboard. Ika, en mi tongeni kekeri 800-699-9075 (meininis keken relay mi ketiw. Mi pwan kawor aninis non chomong fosun fonu).

8. Met porousei upwe awora pwe upwe tongeni apach non YSHCN?

- Nupwen omw amasowa noumw ena OHP aplikason, am upwe kapas eis ngonuk ren met omw osupwangen tumwunun manawomw, nge am usapw kon tichik non am kapas eis ren omw semwen. Ese pesepes omw kopwe penuweni ekei kaaps eis. Nge ika kesapw penuweni, iwe esapw fat ngeni kich ika en mi tufich kopwe apach.
- Am mi pwan tongeni nounou met porousomw a fen wor remw ren katonen ika en mi tufich kopwe apach. Ika a fat ngeni kich pwe en mi tufichin amasow, iwe am upwe tin ngonuk ew esinesin me pusin apachanong itomw omw kopwe pach non ei prokram. Kose mochen asofo sefani omw atres ika a siwin pwe epwe tour ngonuk ei mail seni kich.
- Ekoch serafo a era pwe mi fen aninisocho ar repwe sinei porousen ar semwen ika nipwakingawen inis, ika inner me semer, chon tumwunur, ika emon chon anisir epwe nomw rer me anisir ne penuweni ekena kapas eis.

9. Ekewe chon apach non YSHCN mi pesepes ar repwe amasow ngeni och CCO?

- Aramas mi elichipon ren aninisin Young Adults with Special Health Care Needs (YSHCN, Serafo mi Nipwakingaw me Onongonong won Tumwun) repwe akomw amasow ngeni och Coordinated Care Organization (CCO, Mwichen Ototen Tumwunun Aramas). Nge, ekoch aramas ra tongeni tiweno seni ei pesepes ika ir mi apach non tribal ika mi pusin wor ar private tumwunun manaw.
- Ren sopwosopwen porous ren met ei CCO, me ifa usun ar tongeni aninis, me ren tichikin sokofesenin ekewe ototen tuwun, [ikei](#).

10. Mi pesepes ai upwe asofo sefani nei aninisin YSCHN?

- Ewer. Nupwen noumw aninisin sefei a tori atun asofo sefanin, am upwe tin ngonuk och taropwe non mail. Epwe aweweni pwe omw kewe aninis ra fen automatik ne asofo sefan ika esinei ngonuk pwe kopwe fori och metoch.

11. Pwata ewe caferin YSHCN epwe mwuch?

- Aramas mi elichipon ren ewe aninisin Young Adults with Special Health Care Needs (YSHCN, Serafo mi Nipwakingaw me Onongonong won Tumwun) repwe amasow sefan iteiten 2 ier. Nge, ei prokram a suk ngenir chok aramas ier 19 tori 25, ei sopwosopwen caferin aninis YSHCN mi awora epwe mwuch nupwen omw tori ier 26. Kopwe amwet ngeni pwan och prokram fan OHP Plus tori fansoun omw kopwe asofo sefani.
- Caferin aninis a pwan tongeni mwuch ren ekoch awewe ren ika ke mwokut ngeni pwanoch state, pusin tingor an epwe kesipino caferin aninis, ika ke kanapus, ika kese chuen tufich ne aia ekewe aninisin tumwunun manaw.

12. Met YSHCN mi tongeni caferini tumwunun non fansoun nakatam?

- Ekoch pekin tumwunun fansoun nakatam mi tongeni epwe cafer ika mi wor omw Young Adults with Special Health Care Needs (YSHCN, Serafo mi Nipwakingaw me Onongonong won Tumwun). Ika mi wor omw kapas eis, kose mochen kekeri ONE Aninisin Kastemer ren 1-800-699-9075 omw kopwe sinei sopwosopwen porousen ekewe aninisin fansoun nakatam me ekoch aninis (meininis keken relay mi ketiw, mi kawor aninis non chomong fosun fonu).

13. Ngang mi tongeni nounou YSHCN ika mi fen wor ai caferin Healthier Oregon?

- Ewer, ika en mi kan ounou caferin Healthier Oregon en mi pwan tongeni nounou aninisin Young Adults with Special Health Care Needs (YSHCN, Serafo mi Nipwakingaw me Onongonong won Tumwun)

14. Ia upwe tongeni kuna ia penuwen ekoch ai kapas eis?

- En mi tongeni kaieo sopwosopwen porousen ena YSHCN prokram won Oregon.gov/YSHCN. Ika en mi apach non ew CCO en mi tongeni pusin kekeri ena CCO. Aramas meininis ra tongeni kekeri OHP Client Services ren 800-273-0557.

En mei tongeni angei ei taropwe non kapasen ekkoch fenu, founwongun mesen mak, braille ika ewe angang faniten an mei chuun repwe aneani mak ika menni chek ka finata nge ese pwan kamo. Kekeru OHP Aninisin Kastemer ren 800-699-9075. Mei angei meinisin chon kokko. Mi kawor aninis non sokopaten fosun fonu.

Health Systems Division
Medicaid Programs
500 Summer Street, NE, E-35
Salem, OR 97301
Ask.OHP@odhsosha.oregon.gov

